



Broj: 06-05- 32005 /11  
Sarajevo,19.12.2011. godine

**SKUPŠTINA KANTONA SARAJEVO**  
**- OVDJE -**

**Predmet:** Odgovor na poslaničko pitanje, dostavlja se

**Poslanik Amir Zukić**, na Devetoj radnoj sjednici Skupštine Kantona Sarajevo, održanoj dana 23.11.2011. godine, u okviru tačke Dnevnog reda „ Poslanička pitanja, inicijative i odgovori “ **pokreće inicijativu:**

1. „ Zakonom o dopunskim pravima boraca – branitelja BiH utvrđeno je da RVI koji su radno nesposobni, po osnovu rane, povrede ili bolesti zadobivene za vrijeme službe u Oružanim snagama Armije BiH, roditelji šehida i poginulih boraca, djeca šehida poginulih boraca koja su bez oba roditelja i nezaposlene supruge šehida i poginulih boraca, mlađe od 45 godina, ostvaruju pravo na odgovarajući stan na području Kanton Sarajevo. U ostvarivanju ovog prava formiraju se liste korisnika koje svoje stambeno pitanje rješavaju, prvenstveno, u odnosu na dinamiku stambene izgradnje, a koju, između ostalog diktiraju i sredstva za ovu namjenu odobrena svake budžetske godine, a obzirom da je u odnosu na potrebe ova dinamika veoma spora, u praksi su česti slučajevi da korisnici i ne dočekaju ostavriavanje ovog prava, npr. roditelji šehida ili teško oboljeli RVI umru prije useljenja u stan. Obzirom da je cca 413 korisnika koji imaju pravo riješiti stambeno pitanje na ovaj način iniciram da Vlada Kantona, kroz kreditno zaduživanje, u što kraćem roku riješi ovo pitanje i onda sukcesivno kroz naredne godine iz budžeta vraća kredite, kako bi se stanovi obezbjedili korisnicima dok su još živi.“

2. „ Udruženje „Sarajevo-taxi“, njegovi članovi, uvijek su se rado odazivali na humanitarne akcije, pružali pomoć sugrađanima i organizacijama, uvijek, kada je to bilo potrebno. Članovi udruženja posebno su ponosni na svoje učešće u odbrambeno-oslobodilačkom ratu u toku kojeg je i poginulo 144 taxi vozača, a veliki broj članova Udruženja ostali su invalidi





sa procentima invalidnosti do 100 %. Nadalje, jedan broj članova Udruženje su nosioci najvišeg raznog priznanja „Zlatni ljiljan“, a prepoznatljivije su aktivnosti članova udruženja na pružanju usluga prevoza građana opkoljenog Sarajeva kada je to bilo najpotrebnije. Budući da je naša obaveza da čuvamo sjećanje na borce i patriote koji su branili državu BiH, a posebno da čuvamo sjećanje na naše šehide i poginule borce koji su svoje živote ugradili u temelju ove države, kojima nesporno pripadaju i taxi vozači, predlažem da se podigne spomen obilježje – spomen ploča na jednoj od sljedećih lokacija.

- Ulica Azize Šaćirbegović broj 96 – zelena površina lijevo ili desno od Taxi doma;
- Taxi stajalište „Baščaršija“ kod česme;
- Veliki park – do Spomenika poginuloj djeci Sarajeva.“

Na pokrenute inicijative dajemo sljedeći

## ODGOVOR

1. Ministarstvo za boračka pitanja Kantona Sarajevo u potpunosti podržava datu inicijativu te ukoliko Ministarstvo finansija Kantona Sarajevo uz saglasnost Vlade Kantona odobri navedeno kreditno zaduženje, Ministarstvo je spremno sukcesivno kroz naredne godine iz svog budžeta namijenjenog za kupovinu stanova u vlasništvo ili na korištenje vraćati rate ovog kredita. Mišljenja smo da se po ovoj inicijativi obavezno treba izjasniti Vlada Kantona Sarajevo uz prethodno pribavljeno mišljenje Ministarstva finansija, kako bi se usvajanjem Prijedloga Budžeta za 2012.godinu stekli uvjeti za njegovu realizaciju.

2. Inicijativu za izgradnju spomen obilježja sarajevskim taxistima ovo Ministarstvo u potpunosti podržava, te će nastojati u okviru odobrenih sredstava iz Budžeta za 2012.godinu obezbjediti potrebna sredstva za njenu realizaciju. Pri tome ističemo da se realizacija spomen obilježja mora provesti u uskoj saradnji sa ovim Ministarstvom, tj. da je potrebno izvršiti neophodne pripreme za njegovu izgradnju (izrada projekta, pribavaljanje urbanističke saglasnosti i građevinske dozvole od Općine Novo Sarajevo, izrada finansijskog proračuna cijene koštanja





navedenog spomen obilježja). Ovo Ministarstvo preporučuje da lokacija istog bude u ulici Azize Šaćirbegović br.96 na zelenoj površini kod Taxi doma.

S poštovanjem,

**MINISTAR**

**Doc.dr Nedžad Ajnadžić**

Obradila: Nejra Dumanjić

Kontrolisala: mr Belma Adilović

Dostavljeno:

1. Skupštini Kantona Sarajevo putem Stručne službe Vlade Kantona Sarajevo
2. Ministarstvo finansija Kantona Sarajevo
3. Udruženje „Sarajevo – taxi“, Azize Šaćirbegović br. 96
4. Evidenciji
5. a/a.

